

IDEA Kev Qhia Ntawv Tshwj Xeeb Kev Daws Teeb Meem Ncaj Nruab Nrab

Cov Lus Qhia rau Cov Niam Txiv ntawm
Cov Menyuum Yaus thiab Cov Hluas
(Hnub nyoog 3-21)

Cov ntaub ntawv tshaj tawm no yog ib feem ntawm IDEA (Txoj Cai Kev Kawm Ntawv Rau Cov Neeg Xiam Oob Qhab) ntsig txog hom kev xaiv daws yam tsis sib haum xeeb. Cov lus qhia rau niam txiv muaj nyob hauv cov ntaub ntawv no muaj xws li:

IDEA Kev Daws Teeb Meem Txog Kev Kawm Ntawv Tshwj Xeeb
IDEA Kev Sau Daim Ntawv Hais Qhov Tsis Txaus Siab Txog Kev Kawm Ntawv
Tshwj Xeeb
IDEA Txheej Txheem Hais Qhov Tsis Txaus Siab/Thov Hais Kom Taug Xyuas
Ncaj Ncees Txog Kev Kawm Ntawv Tshwj Xeeb
IDEA Cov Rooj Sib Tham Txog Kev Daws Teeb Meem Txog Kev Kawm Ntawv
Tshwj Xeeb



Office of Special Education Programs
U.S. Department of Education

Daim ntawv tshaj tawm no piav qhia txog Kev Daws Teeb Meem rau Phaj B ntawm IDEA. Tsis tas yuav ntaus nqi, kho dua tshiab, los sis hloov ib qho txheej txheem pov thaiv los sis yam yuav tsum tau ua raws li txoj cai ntawm tsoom fuv los sis lub xeev.

Kev Daws Teeb Meem Ncaj Nruab Nrab Yog Dab Tsi?

Kev daws teeb meem ncaj nruab nrab yog ib qho kev yeem dawb koj cov neeg mus ua ke daws lawv qhov tsis txaus siab. Ib tug kws daws teeb meem ncaj nruab nrab yuav pab sib txuas lus nrog lwm tus neeg, yog li ntawd txhua tus neeg thiaj li muaj sijhawm hais txog yam txhawj xeeb thiab pab dawb cov teeb meem.

- Cov niam txiv thiab cov kws qhia ntawv yuav tsum pom zoo mus koom lub rooj daws teeb meem ncaj nruab nrab.
- Cov neeg mus koom tuaj yeem tawm ntawm qhov kev daws teeb meem ncaj nruab nrab tau txhua lub sijhawm.
- Kev sib tham txog kev daws teeb meem ncaj nruab nrab yuav raug ceev zoo tsis pub lwm tus neeg paub. Yam uas tsis tuaj yeem siv hais rau ntawm qhov kev daws teeb meem ncaj nruab nrab rau thaum kev taug xyuas kev ncaj ncees los sis kev sib hais hauv tsev hais plaub.
- Tus kws daws teeb meem ncaj nruab nrab tsis yog tus txiav txim. Niam txiv thiab lub tsev kawm ntawv yuav tsum pom zoo raws li qhov txiav txim siab.
- Tsuas npaj daws rau yam tsis pom zoo thiab sib pab los daws qhov teeb meem kom txhua tus neeg txaus siab.
- Cov niam txiv thiab cov kws qhia ntawv tuaj yeem siv kev daws teeb meem ncaj nruab nrab rau thaum lub sijhawm twg los tau los daws yam tsis pom zoo.
- Lub hom phiaj yog tshawb nrhiav txoj hau kev daws teeb meem txog kev kawm ntawv kom tau raws li tus me nyuam lub siab xav.

Cov Txiaj Ntsig Ntawm Kev Daws Teeb Meem Ncaj Nruab Nrab

- Kev daws teeb meem ncaj nruab nrab tuaj yeem pab ua rau txhua tus neeg nkag siab zoo ntxiv txog feem lawv pom sib txawv.
- Cov neeg mus koom yuav sib pab los daws qhov teeb meem ua ke thiab tswj xyuas qhov txiav txim siab, tsis yog cia cov neeg uas tsis paub tus me nyuam zoo los txiav txim.
- Cov neeg yuav txaus siab thiab ua raws li cov ntsiab lus hais ntawm qhov pom zoo ua ke vim lawv yeej tau sib pab tsim kho ua ke.
- Kev daws yam tsis pom zoo tau sai dua yog piv rau kev daws lwm yam tsis sib haum xeeb.
- Kev daws teeb meem ncaj nruab nrab yog kev tsim ib qho kev npaj rau yav tom ntej.

Kev Sab Laj Txog Kev Daws Teeb Meem Ncaj Nruab Nrab

- Qee zaus kev daws teeb meem ncaj nruab nrab kuj ua rau npau taws, dhuav, thiab tag kev cia siab.
- Cov niam txiv thiab cov kws qhia ntawv yuav xav tias tsis muaj txiaj ntsig dab tsi yog lawv tsis muaj sijhawm los npaj ua ntej yuav los daws teeb meem ncaj nruab nrab.
- Qee kis muaj teeb meem nyuaj yuav tsum tau sib hais ntau lwm thiaj li pom zoo.
- Yeej tsis tuaj yeem lav tias qhov daws teeb meem ncaj nruab nrab no yuav ua rau ob tog pom zoo ua ke.

Ib tug kws daws teeb meem ncaj nruab nrab yog ib tug neeg uas raug qhia paub txog cov tswv yim daws teeb meem ncaj nruab nrab...

- Coj qhia kev sib tham rau cov neeg mus koom daws teeb meem ncaj nruab nrab.
- Ua kom txheej txheem sib hais nyab xeeb.
- Cov neeg mus koom yuav tsum sib fwm thiab nkag siab txog lwm tus qhov kev xav.
- Piav qhia kom mee txog feem tsis pom zoo, yuav pab txheeb xyuas txog feem kev xaiv, thiab pab sau daim ntawv pom zoo.

Cov Nqe Lus Uas Nquag Nug Txog Kev Daws Teeb Meem Ncaj Nruab Nrab

Leej twg thiaj li tuaj yeem thov daws teeb meem ncaj nruab nrab?

Cov niam txiv los sis cov neeg ua haujlwm ntawm lub tsev kawm ntawv yuav tsum thov daws teeb meem ncaj nruab nrab thaum sib hais lus nyuaj los sis thaum muaj ib qho tsis sib haum xeeb uas daws tsis tau.

Kuv yuav thov daws teeb meem ncaj nruab nrab rau thaum twg?

Tuaj yeem thov daws teeb meem ncaj nruab nrab tau txhua lub sijhawm, txawm tias koj twb thov hais kom taug xyuas kev ncaj ncees lawm los sis koj twb sau ntawv hais qhov tsis txaus siab lawm.

Leej twg yuav yog tus xaiv tus kws daws teeb meem ncaj nruab nrab?

Koj lub chaw saib xyuas kev kawm ntawv ntawm lub xeev (State educational agency, SEA) yuav tsum xaiv ib tug kws daws teeb meem ncaj nruab nrab, pauv hloov mus los, los sis lwm tus neeg nyob nruab nrab. Qee lub chaw SEAs tso cai cov niam txiv thiab cov tsev kawm ntawv xaiv ib tug kws daws teeb meem ncaj nruab nrab ua ke. Cov tsev kawm ntawv los sis cov niam txiv lawv tus kheej tsis tuaj yeem xaiv tus kws daws teeb meem ncaj nruab nrab.

Tus kws daws teeb meem ncaj nruab nrab puas txiav txim siab tau?

Tsis tau. Tus kws daws teeb meem ncaj nruab nrab yuav yog tus coj sib tham thiab yuav tsis pab tog twg tsis hais tog niam txiv los sis lub tsev kawm ntawv. Kev daws teeb meem ncaj nruab nrab yog ib qho txheej txheem daws teeb meem uas raug qhia los ntawm tus kws daws teeb meem ncaj nruab nrab.

Kev daws teeb meem ncaj nruab nrab yuav sib hais rau ntawm thaj chaw twg?

Kev daws teeb meem ncaj nruab nrab yuav npaj rau ntawm ib thaj chaw thiab lub sijhawm uas yooj yim rau ob tog ntawm niam txiv thiab lub tsev kawm ntawv.

Qhov kev daws teeb meem ncaj nruab nrab no yuav siv sijhawm sib hais ntev npaum li cas?

Kev daws teeb meem ncaj nruab nrab yuav pab daws qhov tsis sib haum xeeb tau sai dua. Kev siv lub sijhawm los daws qhov teeb meem yog nce raws li sawd daws khoom, qhov nyuaj ntawm lawv qhov tsis sib haum xeeb, thiab qhov lawv txaus siab pom zoo ua ke.

Leej twg yuav yog tus them cov nqi rau qhov daws teeb meem ncaj nruab nrab no?

IDEA yuav tsum kom SEAs them cov nqi rau kev daws teeb meem ncaj nruab nrab. Lub tsev kawm ntawv thiab cov niam txiv yuav tsis tau them cov nqi rau kev daws teeb meem ncaj nruab nrab.

Leej twg yuav yog tus mus koom daws teeb meem ncaj nruab nrab?

Tus niam txiv, cov neeg ua haujlwm ntawm lub tsev kawm ntawv, thiab tus kws daws teeb meem ncaj nruab nrab yuav yog cov neeg mus koom sib hais. Tus niam txiv thiab lub tsev kawm ntawv yuav txiav txim siab ua ke tias leej twg yuav yog tus mus koom daws teeb meem ncaj nruab nruab, xws li cov neeg pab txhawb. Tus kws daws teeb meem ncaj nruab nrab feem ntau yeej pab tej no ua ntej yuav txog lub rooj daws teeb meem ncaj nruab nruab.

Tus me nyuam kawm ntawv puas tuaj yeem mus koom lub rooj daws teeb meem ncaj nruab nrab tau?

Ib tug niam txiv yuav xaiv nws ib tug me nyuam mus hais tam rau txhua

zaus los sis mus koom qee kis thaum daws teeb meem ncaj nruab nrab, nce raws li lub hnuv nyoog ntawm tus me nyuam thiab tus neeg loj. Rau qee cov tub ntxhais hluas tsis taus, kev mus koom lub rooj daws teeb meem ncaj nruab nrab kuj yuav yog ib qho zoo ua kev kawm rau lawv tus kheej. Qhov no yeej muaj tseeb thaum sib tham txog cov teeb meem kev pauv hloov.

Yog xav paub lub ncauj lus no, mus saib *ntawm Kev Cia Cov Menyuum Kawm Ntawv Mus Koom Hais Daws Teeb Meem Ncaj Nruab Nrab Txog Kev Kawm Ntawv Tshwj Xeeb*, muaj nyob rau ntawm CADRE lub Website: <https://bit.ly/2KFV002>

Cov cai kav ntawm lub xeev ntsig txog txheej txheem daws qhov tsis sib haum xeeb ntawm IDEA yuav sib txawv.

Xav kom cov niam txiv thiab cov neeg hauv tsev neeg hu mus rau lawv lub tsev haujlwm saib xyuas kev kawm ntawv ntawm lub xeev los sis lub chaw ua haujlwm ntawm niam txiv yog xav paub ntau ntxiv.

Cov kws hais plaub puas mus koom daws teeb meem ncaj nruab nrab?

Txawm yuav muaj cov kws hais plaub mus koom nrog hauv txheej txheem daws teeb meem ncaj nruab nrab los yeej tsis tau hais rau hauv IDEA. Kev mus koom ntawm tus kws hais plaub rau txheej txheem kev daws teeb meem ncaj nruab nrab txog kev kawm ntawv tshwj xeeb yuav sib txawv ntawm ib lub xeev rau ib lub xeev.

Yog kev daws teeb meem ncaj nruab nrab tsis tau yuav ua li cas?

Cov ntaub ntawv hauv lub teb chaws qhia tias 70% ntawm kev daws teeb meem ncaj nruab nrab yeej pom zoo daws tau. Kev siv daws teeb meem ncaj nruab nrab yuav tsis cuam tshuam dab tsi txog lwm cov cai ntawm niam txiv raws li IDEA. Ib tug niam txiv tuaj yeem sau ntawv foob hais ib qho tsis txaus siab los sis thov hais kom taug xyuas kev ncaj ncees rau qhov teeb meem.

Kev pom zoo raws li txheej txheem daws teeb meem ncaj nruab nrab puas muab sau ua ntaub ntawv?

Sau. Yog daws tau qhov tsis sib haum xeeb raws li txheej txheem kev daws teeb meem ncaj nruab nrab, yuav tsum sau qhov pom zoo ua ntaub ntawv tseg. Tus niam txiv thiab ib tug neeg sawv cev raug cai ntawm lub tsev kawm ntawv yuav tsum tau kos npe rau daim ntawv no. Yuav tsum sau txhua yam sib tham thaum lub sijhawm daws teeb meem ncaj nruab nrab tseg rau hauv daim ntawv pom zoo ntawm kev daws teeb meem ncaj nruab nrab. Cov niam txiv yuav tau sab laj nrog ib tug kws hais plaub ua ntej yuav kos npe rau daim ntawv pom zoo ntawm kev daws teeb meem ncaj nruab nrab.

Yog sawd daws tsis pom zoo yuav ua li cas?

Kos npe, sau daim ntawv pom zoo ntawm kev daws teeb meem ncaj nruab nrab raws li ob tog pom zoo thiab yuam txiav txim rau hauv lub tsev hais plaub ntawm lub xeev los sis ntawm tsoom fww. Yog koj ntseeg tias tsis tau ua raws li koj qhov pom zoo, koj li SEA yuav muab lwm txoj kev xaiv qhia rau koj.

Yog kuv xav tau ib tug kws txhais lus yuav ua li cas?

Qhov tseem ceeb uas koj yuav tau nkag siab thiab yuav tau mus koom txhua txheej txheem daws teeb meem ncaj nruab nrab. Cia txhua tus neeg uas mus koom paub tias koj xav tau ib tug kws txhais lus. Hu rau koj li SEA yog xav paub ntau ntxiv.

Cov Hau Kev Uas Koj Npaj Rau Kev Daws Teeb Meem Ncaj Nruab Nrab

- Npaj koj cov ntaub ntawv thiab sau cov hnuab thiab teev tseg txog tej ntawd rau cov ntaub ntawv. Yuav tau muab theej ua peb daim – ib daim rau koj tus kheej, ib daim rau lwm tus, thiab ib daim rau tus kws daws teeb meem ncaj nruab nrab.
- Sau cov teeb meem thiab cov nqe lus nug uas koj xav coj los sib tham thaum lub rooj daws teeb meem ncaj nruab nrab. Qhov no yuav pab ua rau koj nco qab tau txog txhua yam koj txhawj xeeb, yog li ntawd koj thiaj nco txog tej ntawd tau zoo.
- Xav txog cov nqe lus nug uas lwm cov neeg mus koom yuav nug thiab sau cov nqe lus teb tseg.
- Sim xav txog ntau txoj hau kev daws teeb meem sib txawv thiab muab sau tseg.
- Xav txog qhov koj yuav xav li cas thaum sib hais (koj thiab lwm tus neeg) thaum lub rooj sib tham.
- Yuav tau tuaj kom txog ua ntej me ntsis lub rooj sib tham, yog li koj thiaj muaj sijhawm npaj mus koom.
- Feem ntau kev daws teeb meem ncaj nruab nrab yeej ua rau sawd daws yeej pom zoo yog txhua leej ua tib zoo mloog ib tug hais zuj zus thiab sawd daws sib hawm.
- Ib tug kws pab tswv yim rau niam txiv tuaj yeem pab koj thaum lub rooj daws teeb meem ncaj nruab nrab. Hu rau lub chaw ua haujlwm ntawm niam txiv hauv koj lub zos mus tham nrog tus kws pab tswv yim.

Cov Ntaub Ntawv Tseem Ceeb

Txhua cov chaw ua haujlwm ntawm niam txiv hauv lub teb chaws tam sim no muaj npe nyob rau hauv lub chaw Chaw rau Niam Txiv Cov Ntaub Ntawv thiab Cov Ntaub Ntawv (Center for Parent Information and Resources, CPIR):

parentcenterhub.org/find-your-center
los sis hu rau (973) 642-8100



Lub Chaw Ua Haujlwm Daws Qhov Tsis Sib Haum Xeeb txog Kev Kawm Ntawv Tshwj Xeeb (Center for Appropriate Dispute Resolution in Special Education, CADRE) yog lub chaw pab qhia txog kev daws qhov tsis sib haum xeeb hauv lub teb chaws: cadreworks.org
los sis hu rau (541) 686-5060



Tus Kheej Ntiag Tug Cov Ntaub Ntawv nrog rau Txoj Cai Kev Kawm Ntawv Ntawm Cov Neeg Tsis Taus (Information on the Individuals with Disabilities Education Act, IDEA) muaj nyob rau hauv online: <https://sites.ed.gov/idea/>



Yog xav paub ntau ntxiv txog kev daws qhov tsis sib haum xeeb ntawm kev kawm ntawv tshwj xeeb thiab feem kev hais qhov tsis sib haum xeeb raws li IDEA, mus saib ntawm CADRE lub Website:
cadreworks.org

Yuav Nrhiav Ib Lub Chaw Ua Haujlwm Ntawm Niam Txiv Nyob Hauv Koj Thaj Chaw, Hu Rau:

Ib Cheeb Tsam 1 Lub Chaw Ua Haujlwm
ntawm Niam Txiv TA
NJ Statewide Parent Advocacy Network
35 Halsey St., 4th Floor
Newark, NJ 07102
Xovtooj: (973) 642-8100
Xov tooj fej ntawv: (973) 642-8080
Website: spanadvocacy.org

Ib Cheeb Tsam 3 Lub Chaw Ua Haujlwm
ntawm Niam Txiv TA
Parent to Parent of Georgia
3070 Presidential Pkwy, Suite 130
Atlanta, GA 30340
Xovtooj: (800) 229-2038
Xov tooj fej ntawv: (770) 458-4091
Website: p2pga.org

Ib Cheeb Tsam 5 Lub Chaw Ua Haujlwm
ntawm Niam Txiv TA
PEAK Parent Center
611 N. Weber, Suite 200
Colorado Springs, CO 80903
Xovtooj: (800) 284-0251
Xov tooj fej ntawv: (719) 931-9452
Website: region5ptac.org

Ib Cheeb Tsam 2 Lub Chaw Ua Haujlwm
ntawm Niam Txiv TA
Exceptional Children's Assistance Center
907 Barra Row, Suites 102/103
Davidson, NC 28036
Xovtooj: (704) 892-1321
Xov tooj fej ntawv: (704) 892-5028
Website: ecac-parentcenter.org

Ib Cheeb Tsam 4 Lub Chaw Ua Haujlwm
ntawm Niam Txiv TA
WI FACETS
600 W. Virginia St., Ste. 501
Milwaukee, WI 53204
Xovtooj: (877) 374-0511
Xov tooj fej ntawv: (414) 374-4655
Website: wifacets.org

Ib Cheeb Tsam 6 Lub Chaw Ua Haujlwm
ntawm Niam Txiv TA
Matrix Parent Network & Resource Center
94 Galli Drive, Suite C
Novato, CA 94949
Xovtooj: (415) 884-3535
Xov tooj fej ntawv: (415) 884-3555
Website: matrixparents.org

Center for Parent Information and Resources (CPIR)
35 Halsey St., 4th Floor
Newark, NJ 07102
Xovtooj: (973) 642-8100
Xov tooj fej ntawv: (973) 642-8080
Website: parentcenterhub.org

Lub Chaw Ua Haujlwm Ntawm Niam Txiv Hauv Koj Lub Zos:

CADRE sau cov ntaub ntawv no raws li U.S. Department of Education, Lub Tsev Haujlwm Saib Xyuas Txog Kev Kawm Ntawv Tshwj Xeeb Daim Ntawv Pom Zoo Sib Koom Tes Nab Npawb (Office of Special Education Programs Cooperative Agreement No. H326D080001. Tina Diamond, Ph.D., yog tus li haujlwm rau txoj haujlwm. Qhov kev tshuaj xyuas no tau hais tias tsis tas yuav muaj cov qeb dej num los sis cov cai tswj fwm ntawm Lub Tsev Haujlwm Kev Kawm Ntawv. Tsis muaj pom zoo raws cai los ntawm U.S. Department of Education txog ib yam khoom siv, khoom lag luam, kev saib xyuas los sis kev ua lag luam raws li hais rau hauv daim ntawv no los sis yuav raug muab tshaj tawm. Yam khoom siv no yog rau pej xeeb sawd daws siv. Kev tso cai rov qab tsim ua tag nrho los sis tsim ua ib feem. Thaum tsis tas yuav tso cai rov qab muab cov ntaub ntawv no luam tawm, yuav tsum hais txog: CADRE (2014). IDEA Kev Daws Teeb Meem Ncaj Nruab Nrab Txog Kev Kawm Ntawv Tshwj Xeeb, Eugene, Oregon, CADRE. Cov ntaub ntawv tshaj tawm no muaj cov hyperlinks thiab URLs uas raug tsim thiab tswj xyuas los ntawm cov chaw ua haujlwm sab nrauv thiab ua kom muaj kev yooj yim rau cov neeg nyeem. Lub Tsev Haujlwm no yuav tsis lees saib xyuas txog qhov raug thiab tsis raug ntawm cov ntaub ntawv no. Qee yam haujlwm no raug tsim kho yav dhau los txog Technical Assistance ALLIANCE rau Cov Chaw Ua Haujlwm Ntawm Niam Txiv. Hnub Luam Tawm: Ib Hlis 2014.